

† Sier Pollo Pixani, el cavalier, savio dil consejo, <i>quondam</i> sier Luca,	120
Sier Antonio Trum, el qual non ave titolo,	80
Sier Marin Zorzi, el dottor, fo savio a terra ferma,	65
Sier Hironimo Zorzi, el cavalier, fo savio dil consejo,	75
Sier Luca Trum, fo avogador di comun, <i>quondam</i> sier Nicolò,	33
† Sier Nicolò Foscarini, el consier, <i>quon- dam</i> sier Alvisè, procurator,	141
Sier Lorenzo di Prioli, fo consier, <i>quon- dam</i> sier Piero, procurator,	73
† Sier Andrea Griti, el consier, <i>quondam</i> sier Francesco,	117
Sier Zacaria Contarini, el cavalier, fo sa- vio a terra ferma,	79
Non. Sier Lucha Zen, procurator, <i>quondam</i> sier Marco, el cavalier,	

Questi 4 oratori fono electi in locho di sier Marco Antonio Morexini, el cavalier, procurator, e sier Marco Sanudo, che refudono, per invalidudine di la persona, et de sier Alvise da Molin, è podestà a Padoa, et sier Piero Duodo, e capetanio a Cremona. Et questi 4 voleno andar: sier Bernardo Bembo, dottor et cavalier, sier Andrea Venier, sier Domenego Trivixam, el cavalier, procurator, et sier Lunardo Mocenigo.

A dì 8 marzo.

Electi 5 sopracomiti; passò solum 4:

Sier Alexandro Pixani, el 40, *quondam* sier Marin.
Sier Hironimo da Canal, fo vice soracomito, di sier Bernardin,
Sier Vincenzo Gradenigo, el 40, *quondam* sier Domenego, el cavalier,
Sier Bernardin da cha' Tajapiera, fo podestà a Pyran, *quondam* sier Zuane.

A dì 2, in colegio.

Electi tre sora la fosa bandizada, in loco di sier Alvise Moro, è morto, sier Piero Querini, va podestà e capetanio a Treviso, e sier Zuan Corner, non pol. Rimaseno sier Alvise Justinian, *quondam* sier Marin, sier Alvise d'Arner, *quondam* sier Simon, sier Piero Lando, *quondam* sier Zuane, i qualli *etiam* non andono.

A dì 7. Da poi disnar fo colegio, dil principe, 60 Signoria e savij; et a hora di vesporo, era piena la piazza, fo impichato Francesco Tajapiera, secretario, qual havia ducati . . . a l'anno; et stè pocho su la forcha, et fo poi sepolto. È da saper, in questa notte mai el non potè dormir, nè, poi intesa la sententia, volse più manzar. À lassato uno fiol; à moglie, a la qual dava malla vita, è assa' anni non li parla, se non in questa ultima, che mandò per lei, e li dimandò perdom.

In questo zorno vene sier Piero Pasqualigo, dottor, cavalier, venuto orator di Spagna; e li fo contra assa' persone a Liza Fusina.

A dì 8. La matina esso sier Piero Pasqualigo andò a la Signoria. Da poi disnar fo pregadi. Fo lettere di Alexandria, dil garbujo, et di sier Polo Calbo, capetanio, che scrive il tutto.

Di Ferrara, dil vicedomino. Come, per il podestà, fo retenuto uno nostro subdito, che meritava la morte; el vicedomino andò a dolersi al ducha, è contra li capitoli. El qual disse non sapeva, e ordinò fusse cavato di prexon, e mandato a caxa dil vicedomino. Esso vicedomino lo lassò andar; non piague al signor questo.

Di Roma. Il papa bone parole, vol esser amico di la Signoria.

Di Alexandria. Se intese esser morto da peste sier Zuam Francesco Venier, *quondam* sier Hironimo, era merchadante, andato lì con le galie, e doveva tornar; et era mio cugnato.

Fu posto, per li savij, li oratori vano a Roma possi menar 5 nobeli per uno, e non più; e non intercedi per niun per beneficij; et meni cavali . . . per uno; e fu preso.

È da saper, se intese la nave di sier Francesco Contarini, carga di formenti, sora Liesna esser rota; e cussi fu la verità.

A dì 9. Fo gran consejo. E fu posto, per li consieri, riservar la consejaria a sier Nicolò Foscarini, e sier Andrea Griti, che vanno oratori a Roma, fino ritornino; e cussi fu preso: 194 et 704, 3. *Etiam* possino esser electi l'horò et li 6 compagni vanno *etc.*

A dì 10. Da poi fo pregadi. Fo lettere di Franza, il re steva mejo. *Item*, di Roma et altrove.

Referi sier Piero Pasqualigo, dottor e cavalier, la sua relatione, di esser stato orator in Spagna, et *etiam* prima im Portogallo; e di le cosse di Coloquò disse assa'. Vene zoso a bona hora.

A dì XI. Post fo colegio, di la Signoria e savij. È da saper, zonse uno messo di Alexandria, spazato con lettere di sier Alvise Contarini, consolo, a la